

**KANTONALNI SUD U SARAJEVU**, sa sjedištem u ulici Šenoina broj: 1. Sarajevo, ID broj: 4200235110001 (u daljem tekstu Kupac) koga zastupa i predstavlja V.D.Predsjednika suda Vladimir Špoljarić

i

**„R&S“ d.o.o. Sarajevo**, sa sjedištem u ulici Igmanska bb Vogošća ID broj: 4200056290005 (u daljem tekstu Izvršilac) koga zastupa i predstavlja **direktor Kemal Selmanagić**

zaključuju

**UGOVOR**  
**O NABAVCI ROBA – KANCELARIJSKOG MATERIJALA ZA POTREBE**  
**KANTONALNOG SUDA U SARAJEVU**

**Član 1.**

Predmet ovog Ugovora je nabavka i isporuka roba – **kancelarijskog materijala za potrebe Kantonalnog suda u Sarajevu**, za koju je sproveden postupak nabavke na osnovu pravila javnih nabavki propisanim u članu 4. stav (3) i članu 6., te Aneksa IV, koji je sastavni dio Internog finansijskog memoranduma o razumijevanju o zajedničkim aktivnostima u cilju realizacije odredbi Grant sporazuma „UNAPRJEĐENJE RADA NA PREDMETIMA RATNIH ZLOČINA U BIH“ od 15.02.2017. godine, a Dobavljač dostavio ponudu broj:25688/18 od 08.12.2018., koja odgovara uslovima iz tenderske dokumentacije broj: 009-0-Su-18-001000 od 15.11.2018. godine, na osnovu čega je Dobavljač izabran da izvrši nabavku i isporuku robe koja je predmet ovog ugovora. Sastavni dio ovog Ugovora je prihvaćena Ponuda Dobavljača broj: 25688/18 od 08.12. 2018. godine.

**Član 2.**

Ugovorna cijena za robe iz člana 1. ovog ugovora je u iznosu od 4.999,95 KM (slovima: četiri hiljadestotinadevedeestdevet i 95/100 KM) bez PDV-a.

**Član 3.**

Dobavljač se obavezuje da robu koja je predmet ovog ugovora isporuči prema utvrđenim tehničkim karakteristikama u Tehničkoj specifikaciji s obrascem za cijenu ponude – robe – Aneks 1. tenderske dokumentacije, uslovima iz tenderske dokumentacije i prihvaćene ponude.

**Član 4.**

Dobavljač se obavezuje da će isporuku robe izvršiti u roku od najkasnije 1 (jedan) dan po zaprimanju narudžbenice, odnosno dobijanja pismenog ili usmenog zahtjeva za nabavku robe na adresu Kupca, Sarajevo, Šenoina br.1.

**Član 5.**

Ukoliko se nakon prijema robe od strane Kupca pokaže da roba ima neki nedostatak koji se nije mogao otkriti uobičajenim pregledom prilikom preuzimanja robe, odnosno ima skriveni nedostatak, Kupac je dužan o tom nedostatku bez odlaganja obavijestiti Dobavljača. Dobavljač će, nakon što je saznao da roba koja je predmet nabavke ima nedostatke, u najkraćem mogućem roku izvršiti zamjenu neispravne ili neadekvatne robe, a najkasnije u roku od 24 (dvadesetčetiri) sata.

#### **Član 6.**

Plaćanje će se izvršiti najkasnije u roku od 30 (trideset) dana od datuma ispostave fakture za uredno isporučenu robu iz grant sredstava IPA projekta, namijenjenih za ove namjene, po Aneksu II.1 i II.2 Internog memoranduma. Plaćanje se vrši putem JR Trezor Kantona Sarajevo na žiro račun Dobavljača broj: 1401010024114039 kod Sberbank.

#### **Član 7.**

Dobavljač se obavezuje da isporuči robu Kupcu, koja je po svim karakteristikama odgovara tehničkim karakteristikama navedenim u Tehničkoj specifikaciji s obrascem za cijenu ponude – robe – Aneks 1.

#### **Član 8.**

Jedinične cijene i ukupna cijena iz ponude, navedena u članu 2. ovog ugovora se ne mogu mijenjati u ugovorenom periodu, a sve u skladu s tenderskom dokumentacijom.

#### **Član 9.**

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Općinskog suda u Sarajevu.

#### **Član 10.**

Na ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

#### **Član 11.**

Ovaj Ugovor se zaključuje na određeni period do dvije godine od dana obostranog potpisivanja Ugovora, odnosno do potpune finansijske realizacije nabavke iz člana 2. ovog Ugovora.

#### **Član 12.**

Ovaj Ugovor se smatra zaključenim danom obostranog potpisivanja.

#### **Član 13.**

Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

**IZVRŠILAC:**

**„R&S“ d.o.o. Sarajevo**

**Direktor:**

\_\_\_\_\_

Broj: \_\_\_\_\_

Sarajevo, \_\_\_\_\_ . godine

**KUPAC:**

**Kantonalni sud u Sarajevu  
V.D. Predsjednika suda**

**Vladimir Špoljarić**

Broj: 090-0-Su-18-001000

Sarajevo, \_\_\_\_\_ . godine